



Broj: 01-04-25-96-2/23
Datum, 27.12.2023 .godine

ZAPISNIK
o održanom satu za građane

U skladu sa Odlukom o rasporedu održavanja sata za građane dana 27.12.2023. godine u sali Općinskog vijeća u zgradi općine u Klokotnici sa početkom u 12 sati održan je sat za građane.

Članom 4. Odluke o uvođenju sata za građane predviđeno je da satu za građane trebaju biti prisutni ispred predstavničke vlasti predsjedavajući ili zamjenik predsjedavajućeg Općinskog vijeća i zainteresovani vijećnici, a iz izvršne vlasti općinski načelnik sa pomoćnicima.

Odluka o rasporedu održavanja sata za građane je dostavljena svim mjesnim zajednicama kako bi istu objavile na oglasnoj tabli i stavile na uvid zainteresovanim građanima, zatim svim općinskim vijećnicima, a objavljena je na web stranici općine i oglasnoj tabli općine.

Satu za građane su prisustvovali Kemal Bratić, općinski načelnik, Nusret Dautović, predsjedavajući Općinskog vijeća, Izet Hodžić, zamjenik predsjedavajućeg Općinskog vijeća, Arnela Aljić, VD sekretara općine, kao i šest građana sa područja općine Doboj Istok.

Sat za građane je vodio Kemal Bratić, općinski načelnik.

Građani su postavili sljedeća pitanja:

Da li općinski načelnik planira zaduživanje Općine Doboj Istok u narednom periodu?

Odgovor: Ne planira se kreditno zaduživanje Općine u narednom periodu.

Da li se planira izrada kanalizacije u Maloj Brijesnici?

Odgovor: U planu je izrada kanalizacije u Maloj Brijesnici.

Da li će biti asfaltiran put za Aščiće u Maloj Brijesnici?

Odgovor: Asfaltiranje puta se planira do kraja 2024. godine.

Da li se planira šta uraditi za JZU Dom zdravlja Doboj Istok?

Odgovor: Planirana je nabavka sanitetskog vozila za Službu hitne pomoći.

Da li se planira opremanje Civilne zaštite?

Odgovor: Planira se opremanje jedinice za zaštitu i spašavanje u Općinskoj službi za civilnu zaštitu.

Da li je u planu ostvarivanje saradnje sa bratskim općinama?

Odgovor: Nastavit će se saradnja sa dosadašnjim bratskim općinama, a planira se uspostavljanje saradnje sa još jednom općinom u Hrvatskoj.

Sat za građane je završen u 13 sati.

ZAPISNIČAR
Behara Hadžić

Behara Hadžić



OPĆINSKI NAČELNIK
Kemal Bratić

Kemal Bratić